

22 NOV 2002

PERDANA MENTERI BERLEPAS KE PARIS UNTUK HADIRI PERSIDANGAN LUBNAN

KUALA LUMPUR, 22 Nov (Bernama) -- Perdana Menteri Datuk Seri Dr Mahathir Mohamad berlepas ke Paris hari ini untuk menghadiri Persidangan "Membina Semula Lubnan".

Dr Mahathir yang diiringi oleh isterinya, Datin Seri Dr Siti Hasmah Mohd Ali tiba di Pangkalan Tentera Udara Diraja Malaysia (TUDM) di Subang pada kira-kira pukul 8.20 pagi.

Beberapa Menteri Kabinet, antaranya Menteri Kewangan II, Datuk Dr Jamaluddin Jarjis, Menteri Kesihatan Datuk Chua Jui Meng turut berada di situ untuk mengucapkan selamat jalan kepada Perdana Menteri.

Menteri Luar, Datuk Syed Hamid Albar dijangka menyertai Perdana Menteri pada persidangan sehari itu.

Persidangan itu yang juga dikenali sebagai Persidangan Paris II akan berlangsung esok dan dijangka turut disertai oleh Perdana Menteri Lubnan, Rafic Hariri dan Presiden Perancis, Jacques Chirac serta beberapa pemimpin Asia Barat.

Dr Mahathir dijangka pulang ke tanah air Selasa depan.

-- BERNAMA

AZH MFJ PR